

REGLUGERÐ

um fullvirðisrétt til framleiðslu mjólkur verðlagsárið 1991–1992.

I. KAFLI

Orðaskýringar.

1. gr.

Merking orða í reglugerð þessari er sem hér segir:

Framleiðandi er hver sá, sem á eigin vegum hefur með höndum búvöruframleiðslu til afhendingar í afurðastöð, hvort sem er einstaklingur, lögaðili, aðili að félagsbúi eða ríkisbú.

Búmark er viðmiðunartala afurðaeininga reiknuð í ærgildum, sem ákveðin er fyrir lögbýli eða framleiðendur utan lögbýla, sbr. II. kafla rg. nr. 287/1990.

Ærgildisafurð er afurðaeining. Ein ærgildisafurð telst vera 18.2 kg af kindakjöti og tilsvarandi magn af slátri og gærum, eða 174 lítrar af mjólk.

Ærgildi er talin vetrarfóðruð sauðkind. Ærgildi í nautgripum reiknast þannig: kýr 20 ærgildi, kelfd kvíga 12, vetrungur 8 og kálfur 4 ærgildi.

Lögbýli eða jörð er í reglugerð þessari skilgreint skv. 1. gr. ábúðarlaga nr. 64. 31. maí 1976 með síðari breytingum.

Félagsbú er sameiginlegur búrekstur tveggja eða fleiri einstaklinga á einu eða fleiri lögbýlum með samningi, sem hlotið hefur samþykki landbúnaðarráðuneytisins skv. jarðalögum nr. 65/1976 með síðari breytingum.

Fullvirðisréttur er það magn mjólkur og sauðfjárafurða, sem framleiðendum er ábyrgt fullt verð fyrir á grundvelli búvörusamnings skv. a-lið 30. gr. I. nr. 46/1985.

Fullvirðismark er samanlagður fullvirðisréttur allra framleiðenda á búmarkssvæði til framleiðslu mjólkur eða sauðfjárafurða, reiknaður sem hlutfall af samanlögðu búmarki svæðisins í viðkomandi búgrein.

II. KAFLI

Fullvirðisréttur til mjólkurframleiðslu verðlagsárið 1991–1992.

2. gr.

Heildarfullvirðisréttur til mjólkurframleiðslu á verðlagsárinu 1991–1992 telst vera það magn mjólkur sem um hefur verið samið fyrir verðlagsárið skv. búvörusamningi dags. 20. mars 1987.

Hverjum mjólkurframleiðanda skal reiknaður sami fullvirðisréttur til mjólkurframleiðslu á verðlagsárinu 1991–1992 og honum var ákveðinn fyrir verðlagsárið 1990–1991 með reglugerð nr. 287/1990, með eftirtöldum frávikum:

1. Breytingum sem orðið hafa vegna endurúthlutunar búnaðarsambanda og skipta á vegum framleiðenda á fullvirðisrétti í sauðfé og mjólk, sem samþykkt eru fyrir 1. ágúst 1991.

2. Vegna endurúthlutunar á 430 þús. lítrum, skv. ákvæðum reglugerðar nr. 305/1988. Um endurúthlutun fer skv. 4. tl. 13. gr. þeirrar reglugerðar, að teknu tilliti til leigu og sölusamninga, sem framleiðendur gerðu við Framleiðnisjóð landbúnaðarins verðlagsárin 1989–1990 og 1990–1991. Úthlutun samkvæmt þessum lið getur að hámarki orðið 5% af nýtanlegum fullvirðisrétti svæðisins. Endurúthlutun skal lokið eigi síðar en 1. ágúst 1991. Óheimilt er án samþykkis Framleiðsluráðs landbúnaðarins að nýta fullvirðisrétt skv. þessum tölulíð með öðrum hætti en innleggi mjólkur í afurðastöð.
3. Vegna samningsauka á fullvirðisrétti til mjólkurframleiðslu, sbr. 3. gr.
4. Vegna tilfærslu á fullvirðisrétti milli lögbýla, sbr. III. kafla.

3. gr.

Aukningu heildarfullvirðisréttar á verðlagsárinu 1991–1992 sem kann að verða samkvæmt 2. gr. búvörusamnings frá 20. mars 1987 skal ráðstafað við endanlegt uppgjör að loknu verðlagsárinu 1991–1992. Framkvæmdanefnd búvörusamninga gerir tillögu til ráðherra um þessa ráðstöfun, sem háð er staðfestingu hans.

4. gr.

Búnaðarsambandi er heimilt að fela Framleiðsluráði landbúnaðarins að annast fyrir sína hönd verkefni þau sem því eru falin með reglugerð þessari.

5. gr.

Ónotaður fullvirðisréttur fellur fyrst til viðkomandi búmarkssvæðis og skal þar ráðstafa honum til annarra framleiðenda hlutfallslega, fyrst til þeirra sem hafa fullvirðisrétt minni en 80% af búmarki, að 80 % markinu, síðan á framleiðslu að búmarki viðkomandi býla og síðast á framleiðslu yfir búmarki. Því sem þá kann að vera óráðstafað skal ráðstafa til annarra búmarkssvæða og skiptast þar eins og að ofan greinir.

III. KAFLI

Um sölu og leigu fullvirðisréttar.

6. gr.

Framleiðendum er heimilt, að kaupa og selja fullvirðisrétt fyrir verðlagsárið 1991/1992 milli lögbýla á sama búmarkssvæði, þó með eftirfarandi takmörkunum:

1. Fullvirðisrétt hvers lögbýlis má mest auka um 16 þúsund lítra eða allt að 10% af fullvirðisrétti eins og hann er skráður fyrir verðlagsárið 1990/1991, hvort sem hærra er.
2. Við sölu skal halda eftir og skrá sérstaklega hjá seljanda 20% af þeim fullvirðisrétti, sem hann býður til sölu. Þannig skal skrá þann fullvirðisrétt í tvennu lagi sem boðinn er og seldur. Fjórir fimmtuhlutar verða skráðir hjá kaupanda en einn fimmtihluti hans verður skráður áfram sérstaklega hjá seljanda. Þann fullvirðisrétt skal fella niður, ef nauðsynlegt reynist að skerða framleiðslurétt mjólkurframleiðenda milli verðlagsáranna 1991/1992 og 1992/1993 til að ná jafnvægi milli framleiðslu og eftirspurnar innanlands.

Við sameiningu tveggja samliggjandi bújarða er heimilt að sameina fullvirðisrétt þeirra. Nú á framleiðandi fleiri en eitt lögbýli eða flytur af einu lögbýli á annað, og getur þá landbúnaðarráðherra heimilað sameiningu fullvirðisréttar beggja lögbýlanna. Þó skal skrá áfram á býlinu 20% þess réttar sem flyst á hitt býlið, með sömu skilmálum og greinir í 1. mgr. Heimilt er landbúnaðarráðherra að færa fullvirðisrétt á milli búa í eigu ríkisins.

Landbúnaðarráðherra getur heimilað að fram fari sala á fullvirðisrétti út af tilteknu búmarkssvæði að fenginni umsögn Framleiðsluráðs landbúnaðarins, þó með sömu takmörkunum og greinir í 1. mgr.

Öll ráðstöfun fullvirðisréttar skal tilkynnt Framleiðsluráði landbúnaðarins á þann hátt sem það ákveður til þess að hún öðlist gildi og skal Framleiðsluráð þá breyta fullvirðisréttarskrá til samræmis við tilkynnta ráðstöfun. Sé jörð í leiguábúð þarf samþykki jarðareiganda og ábúanda fyrir ráðstöfun fullvirðisréttar.

Landbúnaðarráðherra getur ákveðið, að í stað búmarkssvæða gildi mjólkursamlagssvæði við framkvæmd ákvæða í þessari grein.

Ákvæði 1. og 2. mgr. ná þó ekki yfir þann fullvirðisrétt sem framleiðendum var úthlutað skv. 2. tl. 2. gr. þessarar reglugerðar, svo og þá 25 þús. lítra sem úthlutað var óskipt til búmarkssvæðis nr. 20 á grundvelli 1. tl. 12. gr. rg. 233/1989 og 200 þús. lítra sem úthlutað var óskipt til búmarkssvæða nr. 9 og 10 skv. 1. tl. 2. mgr. 5. gr. rg. nr. 37/1986. Viðskipti geta ennfremur ekki tekið til fullvirðisréttar sem bundinn er í leigusamningum hjá Framleiðnisjóði landbúnaðarins, eða í leigusamningum sem gerðir voru fyrir gildistöku reglugerðar nr. 527/1988.

7. gr.

Landbúnaðarráðherra getur heimilað aðilum, sem gerðu leigusamning sín á milli fyrir gildistöku reglugerðar nr. 527/1988 að breyta honum í kaupsamning á sama hátt og leigusamningar gerðir við Framleiðnisjód kveða á um. Ósk um þetta efni skal hafa borist Framleiðsluráði landbúnaðarins fyrir 1. ágúst 1991. Um tilfærslu á þessum fullvirðisrétti gilda sömu sérákvæði um skráningu og í 2. tl. 1. mgr. 6. gr.

8. gr.

Heimilt er framleiðanda sem ekki nýtir fullvirðisrétt sinn að leggja hann inn til leigu hjá búnaðarsambandi fyrir 1. janúar 1992 gegn föstu, fyrirfram ákveðnu gjaldi, að fengu samþykki jarðareiganda, ef um leiguábúð er að ræða. Leigutími getur mest orðið til 1. sept. 1992. Búnaðarsamband skal ráðstafa þeim fullvirðisrétti sem til fellur á fyrrgreindan hátt með því að leigja hann öðrum framleiðendum. Að öðru jöfnu skal leitast við að láta framleiðendur innan sama sveitarfélags njóta forgangs.

Peir framleiðendur sem vilja taka fullvirðisrétt á leigu leggi inn umsókn hjá viðkomandi búnaðarsambandi fyrir 1. janúar 1992. Framleiðsluráð landbúnaðarins ákveður leigugjald fyrir fullvirðisrétt sem leigður er á þennan hátt.

IV. KAFLI

Ýmis ákvæði.

9. gr.

Framleiðsluráð landbúnaðarins reiknar út fullvirðisrétt til framleiðslu mjólkur samkvæmt 2. og 3. gr. Það heldur skrá um fullvirðisrétt, og lætur afurðastöðvum og búnaðarsamböndum í té eintak af henni fyrir starfssvæði viðkomandi afurðastöðvar og búnaðarsambands.

Framleiðsluráð landbúnaðarins aflar upplýsinga og annast útreikninga vegna framkvæmdar þessarar reglugerðar og hefur eftirlit með uppgjöri afurðastöðva við framleiðendur.

10. gr.

Framleiðsluráð landbúnaðarins skal tilkynna framleiðendum fullvirðisrétt þeirra. Peir eiga þess kost að gera athugasemdir við hann og skulu þær berast Framleiðsluráði landbúnaðarins innan 30 daga frá birtingu tilkynningar, ella gildir hann fyrir verðlagsárið. Framleiðsluráð landbúnaðarins endurskoðar tölulega útreikninga, sem athugasemdir eru gerðar við og tilkynnir framleiðanda niðurstöðu sína.

Berist Framleiðsluráði ekki athugasemdir við þá niðurstöðuinnan 25 daga frá dagsetningu úrskurðarins, gildir hún fyrir hlutaðeigandi verðlagsár. Uni viðkomandi framleiðandi ekki þeirri niðurstöðu, hefur hann rétt til að skjóta ágreiningnum með rökstuddri kæru til nefndar, sem skipuð er skv. 31. gr. l. nr. 46/1985. Skal nefndin fella úrskurð sinn og tilkynna hann framleiðanda innan 30 daga frá því erindi berst henni.

11. gr.

Við ábúendaskipti á lögbýlum skal samanlögð framleiðsla fráfarandi bónda og þess sem tekur við teljast framleiðsla lögbýlisins á viðkomandi verðlagsári. Hefur framleiðsla fráfarandi bónda forgang í fullvirðisrétt býlisins á verðlagsárinu nema um annað sé samið milli aðila.

12. gr.

Sé jörð ekki í ábúð skal Framleiðsluráð landbúnaðarins innkalla fullvirðisrétt jarðarinnar, enda hafi jörðin verið í eyði í a.m.k. tvö ár og samningur ekki í gildi um ráðstöfun fullvirðisréttar.

Fullvirðisréttur sem fylgir innkölluðu búmarki skv. b lið 2. gr. og annar sá fullvirðisréttur sem fellur til búnaðarsambands kemur til endurúthlutunar á viðkomandi búmarkssvæði skv. ákvæðum í 2. tl. 12. gr.

13. gr.

Brot á reglugerð þessari varða viðurlögum samkvæmt 59. gr. laga nr. 46. 27. júní 1985 um framleiðslu, verðlagningu og sölu á búvörum. Með mál út af brotum skal farið að hætti opinberra mála.

Reglugerð þessi er sett skv. lögum nr. 46. 27. júní 1985 um framleiðslu, verðlagningu og sölu á búvörum og öðlast gildi þegar í stað.

Landbúnaðarráðuneytið, 5. júní 1991.

Halldór Blöndal.

Jón Höskuldsson.

REGLUGERÐ**um loðkanínurækt.****I. KAFLI****Yfirstjórn og gildissvið.**

1. gr.

- 1.1. Landbúnaðarráðherra hefur yfirstjórn allra mála er varða loðkanínur en yfirdýralæknir og héraðsdýralæknar hafa eftirlit með því að reglum um heilbrigði, innflutning og sóttkví loðkanína sé fylgt.
- 1.2. Loðkanínur (angorakanínur) teljast til loðdýra.

2. gr.

- 2.1. Eftirlit með framkvæmd reglugerðarinnar er á hendi búfjáreftirlits skv. 9. gr. laga nr. 46/1991 og skal leitað álits viðkomandi héraðsdýralæknis um mál er snerta heilbrigði dýranna.

II. KAFLI**Stofnun og gerð loðkanínubúa.**

3. gr.

- 3.1. Hús og búr, þar sem loðkanínur eru aldar, nefnast loðkanínubú.
- 3.2. Áður en loðkanínubú er tekið í notkun skal héraðsráðunautur kanna alla aðstöðu og sannreyna, að búnaður sé í samræmi við ákvæði þessa kafla. Ráðunautur skal afhenda